

Unner Hochschul derf net untergeh!

De vugtländische Meta war am verkaufaufsoffenen Sunntooch in Reingbach. Do gabs viel ze saa un es warn viel Leit dorten. Wie se wiedr hammkomme is, hot se glei ihr Freindin, de Plauische Neideitel aagerufen: „Denk darschs ner, ich ho mr heit of ne Reingbecher Markt blos e paar scheene Bliemle fer mein Balkon kaafen wulln, do ho iech nen Stand gesaa, do warn mehr Leit, als wennis frieher Banane gab. Do bi iech glei hie un ho geguckt. Do homm de Bitex-Leit, die aufopferungsvoll fr den Erhalt unnerer Hochschul kämpfn, Anträch fr weitre Mitstreiter ausgehm.

Iech ho miech aa glei bei dr Bitex eigeschriem, je mehr mr sei, um su eher missen se doch in Dresden aa e mol munter wern, des se net machn kenne wos se wolln miet uns Vugtländer. Mr kennt greine wie e Schlosshund wenn mr sieht, wie unnere gunge Leit in de Fremde nausgetriem wern un unner scheenes Reingbach immer bedeutungsloser werd. Dr Chef, Dr. Wolfgang Horlbeck, hot siech gefraat, des iech alte Fraa itze aa miet mach bei der wichtischen Sach.

Iech ho ne darzeht, des mei Enkele a Archidekt wern will, der gett itze nei de 12. Klass un derf siech net eischreim fiers nächste Gahr, weil se auf Teifel kumm raus de Schul zusperrn wolln. Isses net e gruuße Schand, wos se miet uns machen!

Aber mir gehm net auf, hot doch de Bitex bald iber 2000 Mann, des sei mehr als de Duckmäuser vun dr CDU, die uns im Stich gelossen ham, in ihrer Partei im Vugtland an Mitgliedern zehln“!.

Dieter Riedler

Leubnitz